

文淵閣

影印

四庫全書

影印

文淵閣四庫全書

第四七〇冊

北京出版集團公司
北京出版社

圖書在版編目 (CIP) 數據

影印文淵閣四庫全書 / (清) 紀昀等編纂. — 影印
本. — 北京: 北京出版社, 2012.4

ISBN 978-7-200-09184-7

I. ①影… II. ①紀… III. ①四庫全書 IV.
①Z121.5

中國版本圖書館CIP數據核字 (2012) 第 059042 號

策 劃: 方應權

責任編輯: 楊良志 蔡紫昀

責任印製: 宋 超

影印文淵閣四庫全書

(清) 紀昀等編纂

北京出版集團公司

北京出版社

北京北三環中路六號

郵政編碼: 100120

北京出版集團公司總發行

北京鴻博儒文化傳播有限公司

北京中獻拓方科技發展有限公司印刷

開本: 十六開 七八七毫米×一〇九二毫米

印張: 七五〇〇〇印張

二〇一二年四月第一版第一次印刷

定價: 陸拾萬圓整

ISBN 978-7-200-09184-7



9 787200 091847 >

本冊目次

太平寰宇記(一)

宋樂史撰……………一

欽定四庫全書

史部

太平寰宇記卷八十九至九十五

欽定四庫全書

太平寰宇記卷八十九

江南東道一

潤州

潤州丹陽郡今理丹徒縣禹貢揚州之域春秋時屬吳謂其地為朱方左傳云齊慶封奔吳與之朱方是也至魯哀二十二年吳為越所併地復屬越楚靈王使屈申

欽定四庫全書

太平寰宇記卷八十九

圍朱方執慶封其地屬於楚秦并天下為會稽鄣二縣之境按吳地志云自句容以西屬鄣郡以東屬會稽郡漢初為荊國故荊王劉賈所都之地今郡城中賈墓尚存至吳王濞誅以其地併入江都國武帝又分屬丹陽會稽二郡之地後漢吳丹陽二郡地按後漢建安十四年吳孫權自吳徙都於京口十六年遷都秣陵復於京口置京都督以鎮焉又吳志云京都所統蕃衛尤要是以為重鎮後為南徐州置刺史鎮下邳而京城有留局

詳校官編修臣曹振鏞

檢討臣德生覆勘

總校官檢討臣何思鈞

校對官助教臣胡予襄

謄錄監生臣張敬宸

其後徐州或鎮盱眙或鎮姑孰皆留局於京口晉平吳
又為毗陵丹陽二郡地無置揚州元帝渡江都建康改
為丹陽爾雅云絕高為京其城因山為壘緣江為境因
為之京口宋因置南東海郡及南徐州而揚州如故齊
梁以後並因之至陳六代常以此地為重鎮隋平陳因
廢南徐州以為延陵鎮移居於京口為延陵縣屬蔣州
開皇十五年罷延陵鎮以蔣州之延陵永年常州之曲
阿三縣置潤州於鎮城蓋取州東潤浦以立名焉大業
三年廢江都郡之延陵縣為丹徒徙延陵還治故縣屬
茅州六年輔公祐反復據其地七年賊平又置潤州領
丹徒縣八年廢潤州以曲阿來屬九年揚州移理江都
以延陵句容白下三縣屬潤州天寶元年改為丹陽郡
乾元元年復為潤州永泰後常為浙西道觀察使理所
皇朝為鎮江軍節度

元領縣六 今四

丹徒 延陵 丹陽 金壇

欽定四庫全書

太平寰宇記
卷八十九

二

二縣割出

上元 入井州 句容 入昇州

州境

東西一百一十里 南北一百六十二里

四至八到

西北至西京一千八百二十里 西北至東京一千

四百里 西北至長安二千六百七十里 東至常

州一百七十里 南至宣州四百五十里 西至揚

欽定四庫全書

太平寰宇記
卷八十九

三

州六合縣四百五十三里 北渡江至揚州六十三

里 東南至常州一百九十六里 西南至昇州一

百八十里 東北至揚州界四十五里

戶

唐開元戶五萬四千五百皇朝戶一萬一千六百四

十七客一萬五千九百

風俗

吳越之君皆好勇故其人至今好用劍輕死易發自

永嘉南遷斯為淳鄉人性禮讓謹亦驕奢淫逸婚嫁喪葬雜用周漢之禮

丹陽郡出四姓 許 左 甘 紀

人物

檀道濟高平金鄉人世居京口

唐桓彥範潤州曲阿人以誅張易之功拜納言為侍中扶陽郡

土產

欽定四庫全書

太平寰宇記
卷八十九

貢方紋綾 水波綾 羅綿絹

丹徒縣舊二十鄉今七鄉春秋吳朱方之邑漢為丹徒縣地吳錄地理云朱方後名谷陽秦望氣者云其地有天子氣始皇使諸衣徒三千人鑿長坑敗其勢改云丹徒漢書曰丹徒縣屬會稽郡續漢書郡國志云屬吳郡吳大帝嘉禾三年改丹徒為武進晉太康三年復曰丹徒南徐州記云京口北為徐陵其地蓋丹徒縣之西鄉京口里也 萬歲樓京口記云晉王恭為刺史改創西

南樓名萬歲樓西北名芙蓉樓樓之最高者至今存焉又按輿地志云俗傳此樓飛向江外以鐵鎮縻之方已

北固山在縣北一里南徐州記云城西北有嶺陡入

江三面臨水號云北固劉楨京口記云回嶺入江懸水

峻壁舊北顧作固字梁高祖云作鎮作固城有其語然

北望海口實為北觀以理而推宜改為顧望之顧輿地志云天景清明登之望見廣陵城如在青霄中相去鳥

道五十餘里 馬蒜山在縣西北三里晉安帝時海賊

欽定四庫全書

太平寰宇記
卷八十九

五

孫恩戰士十萬至蒜山來武帝衆無一旅橫擊大破之即此處也山生澤蒜因以為名 高驪山在縣西南七十里梁武帝興駕東行記云自覆船山酒甕山南次高驪山傳云昔高驪國女來此東海神乘船致酒醴聘之女不肯海神撥船覆酒流入曲阿湖故曲阿酒美也又搜神記云諸葛恪為丹陽尹出獵於兩山之間忽見小兒衆莫之識叅佐問之曰此事在白澤圖曰兩山之間其精如小兒名曰係囊衆伏其博識 京峴山梁典云

武帝望京峴山盤紆似龍掘其石為龍目二湖也 譙

山戍海口之戍也 伊婁河開元十二年潤州刺史齊

瀚以潤州北界隔江為限每船繞爪步江沙尾迂迴六

十里多為風濤所損臣請於京口埭下直截渡江二十

里開伊婁河一十五里即達揚子縣無風水之災歲取

利有億并立伊婁埭自是免漂損之災 西浦南徐州

記云京口舊名項口異苑云交州阮郎晉永和中出都

至西浦泊舟見一青衣女子云杜蘭香遣信託好君子

欽定四庫全書

太平寰宇記
卷八十九

六

郎愕然云蘭香已降張碩何以敢爾女曰伊命年不脩

必遭山厄欽聞姿德志相存益即彎弓射之即馳牛奔

轂軒遊霄漢後郎尋被害也 魯肅墓續搜神記云王

伯陽者家在京口東有大家傳是魯肅墓伯陽妻卒乃

平其墳以葬焉經數年忽一日伯陽方在廳事中見一

人乘肩輿從者數十輩逕前怒謂伯陽曰我魯子敬也

冢在此二百許年矣君何敢輒相毀壞因目左右與之

毒手從者遂牽下伯陽以刀環築之數百而去登時即

死良久乃蘇其環築處遂皆發疽爛尋卒焉 京江水

干寶晉記魏文帝臨江歎曰嗟乎固天所以限南北也

甘露寺在城東角土山上下臨大江晴明軒檻上見

揚州歷歷詩人多留題唯盧肇云地從京口斷山到海

門迴張祜云日月光先到山河勢盡來周樸云幾連揚

子霧獨倚潤州城孫昉云地拱千尋險天垂四面青

金山澤心寺在城東南揚子江按圖經云本名浮玉山

因頭陀開山得金故名金山寺詩人多留題張祜云一

欽定四庫全書

太平寰宇記
卷八十九

七

宿金山頂微茫水國分僧歸夜船月龍出曉堂雲樹影

中流見鐘聲兩岸聞因悲在朝市終日醉醺醺孫昉云

鳴榔妨僧夢驚濤滅佛身以上二寺為江山之勝絕復

有名人篇什故編之 武烈帝廟在縣東南一里隋司

徒陳果人也偽唐冊為武烈其靈可畏 黃鶴山在縣

西南三里宋高祖丹徒人潛龍時常遊竹林寺每息於

此山常有黃鶴飛舞因名黃鶴山改竹林寺為鶴林寺

招隱山在縣西南七里昭明太子曾遊此山讀書因

名招隱山今石案古跡猶存見有虎跑泉及玉蘂樹唐李德裕在任作記石存 白兔山在縣東南一十五里延陵縣南一百里舊十七鄉今十五鄉本漢曲阿縣地晉太康二年分曲阿之延陵鄉以置也隋移治丹徒唐武德三年移於今理此非古之延陵地古延陵即今常州晉陵縣也 句曲山一名茅山在縣西南三十里茅君內傳云山形曲折似句字故名句曲古名罔山孔子福地記罔山之間有三仙人住是洞庭北門又能辟兵

欽定四庫全書

太平寰宇記
卷八十九

八

周時名其原澤為句曲之穴秦名句金之壇山本茅君居因以為名南徐州記云山內有靈府洞室七塗九源交通四方有五穴南二東西北各一吳興記云此山洞室地道交通五岳南徐州記云洞天三十六所句曲為第八金壇華陽之洞茅盈之祖曰濛先於此清身厲行自許帝鄉後天皇來授司命策書乃登羽車仗紫旌之節驂駕龍虎浮雲而去茅山記云此洞昔東海青童乘獨颺飛輪車來此山輪迹見在東海山嶺上 延陵季

子廟在縣東北九里史記云吳王壽夢之少子太康地志云吳封季札州來而居延陵故曰延州顧野王云吳自有延陵州來此先已封季子非楚王來邑也祠前有沸井四所 梁簡文帝陵有麒麟碑尚存陵有港名曰蕭港直止陵口大河去縣二十五里 韋昭冢吳書云昭字弘嗣墓在縣西南去縣七里 周氏墓在縣西六里 包氏墓在縣後一里

欽定四庫全書

太平寰宇記
卷八十九

九

丹陽縣東南六十里舊四十鄉今二十鄉本漢曲阿縣地舊名雲陽屬會稽郡史記云秦始皇雲陽為曲阿按輿地志曲阿縣雲陽地屬朱方南徐之境秦有史官秦東南有王氣在雲陽故鑿北岡截其道以厭其氣又吳錄云截其道使曲故曰曲阿漢封劉賈為荆王遂為荆國立六年為黥布所殺國廢至景帝四年以曲阿縣屬揚州王莽又改曲阿為風美縣梁改為蘭陵縣唐武德二年置雲州五年改為簡州以崔順為刺史八年州廢為縣後隸潤州天寶元年復為丹楊縣以邑界楊樹生

丹以為名故今字從木為稱 後湖亦名練湖在縣北一百二十步南徐州記云晉時陳敏所立語林曰晉太傅褚裒遊於湖狂風忽起船欲傾褚公已醉乃云此舫人皆無可以招天譴者惟有孫興公多塵埃正當以厭天災耳輿地志云曲阿出名酒皆云後湖水所釀故醇冽也今按湖水上承丹徒高驪覆船山馬林溪水水色白味甘輿地志云練唐陳敏所立過高陵水以溪為後湖又丹陽記云吳孫皓寶鼎元年丹陽宣騫之母年八

欽定四庫全書

太平寰宇記
卷八十九

十

十因浴化為龍 天子道漢賈山上書秦為馳道於天

下東窮燕齊南接吳楚即此道

金壇縣東南一百四十里舊二十鄉今十二鄉本漢曲

阿縣延陵之鄉為吳之地按輿地志云秦漢屬會稽郡

後漢屬吳郡晉元帝時屬毗陵郡宋齊梁陳皆為延陵

之南界隋平陳以隸蔣州開皇十五年廢蔣州延陵之

南界移於京口之地別置於金山府大業末亂鄉人相

保立為金山縣隋亡沈法興竊據江表仍於此置琅邪

縣唐武德二年李子通破法興改琅邪為茅州縣亦隨隸其年九月杜伏威為吳王縣名不改五年四月伏威入朝後縣陷輔公祐七年三月趙郡王孝恭討平之其八月於石頭城置蔣州地又屬趙八年并入延陵縣垂拱四年以人物繁廣復立金山縣又以東陽郡已有金山縣故改名金壇取邑界句曲之山金壇之陵以為號按河圖云乃有地肺土良水清句曲之山金壇之陵又真誥曰其地肺似洛中北邙山水似長安丹鳳門外井

欽定四庫全書

太平寰宇記
卷八十九

十一

泉之味今按其地壘塹水深土厚歷選江乘及之者鮮

矣 茅山在縣西六十五里 方山在縣西南四十五

里 大桎山在縣南五十里舊名小桎山 思湖在縣

南六里 長塘湖在縣南三十里 高湖在縣北一十

二里灌田一十二頃此二塘梁普通五年廬陵王記室

參軍謝德威置隋廢武德二年本州刺史劉元起重修

復因以為名焉 北謝山在縣東南三十里 荆溪闊

四十步其溪山源在縣東北丹陽縣界內古京城前過

溪口入珥瀆至丹陽縣五十里 官坊埭在縣西北去

州一百三十六里南去縣四里齊梁之代埭北下塘村

有周鄭劉師等四姓並有官同居村坊於時共置此埭

因以為名 袁寵墓晉吏部丹陽太守袁寵墓在縣一

十里 徐羨之墓宋書云司空錄尚書徐羨之墓在縣

西南二十里 周祇墓晉書云國子博士周祇墓在縣

北七里 袁興祖墓梁書云中書舍人給事中王國侍

郎袁興祖墓在縣西一十三里 潘闡之墓梁書云散

欽定四庫全書

太平寰宇記
卷八十九

士

騎侍郎巴陵太守潘闡之墓在縣東二十五里 謝篤

墓晉書云常山太守謝篤墓在縣東一十六里

欽定四庫全書

太平寰宇記卷九十

宋 樂史 撰

江南東道二

昇州

昇州今理江寧上元二縣古揚州之域爾雅云江南曰揚州春秋時為吳地戰國時越滅吳為越地後楚滅越其地又屬楚初置金陵邑金陵圖經云昔楚威王見此

欽定四庫全書

太平寰宇記
卷九十

有王氣因埋金以鎮之故曰金陵秦并天下望氣者言

江東有天子氣乃鑿地脈斷連岡因改金陵為秣陵屬

丹陽郡故丹陽記云始皇鑿金陵方山其斷處為瀆則

今淮水經城中入大江是曰秦淮以秣陵屬鄣郡至漢

元封二年改鄣郡為晉郡楚漢之際江淮之間漂陽之

北皆屬劉賈英布漢初有天下猶為鄣郡地故丹陽圖

云自句容以西屬鄣郡以東屬會稽郡後寄理不定漢

因秦制至武帝初為揚州理於此元封二年始置十三

太平寰宇記卷八十九

州刺史領天下諸郡此即為揚州本在西州橋治城之
間是其理處後漢如之劉繇為揚州刺史始移理曲阿
孫策號此為西州至建安十六年吳大帝自京口從此
因改為建業故吳志云權欲興都未定權長史張紘謂
權曰秣陵楚威王所置名金陵地勢岡阜連石頭城昔
秦始皇經此縣望氣者云地形有王者都邑之氣天之
所命宜為都邑後劉備勸權都之權曰智者意同遂定
議都秣陵脩石頭城用貯軍實又蜀諸葛亮使於吳亮

欽定四庫全書

太平寰宇記
卷九十

二

謂大帝曰鍾山龍盤石城虎踞真帝王所都也其後與
魏蜀鼎峙按建康圖經云西晉太康元年平吳分地為
二邑自淮水南為秣陵淮水北為建業其後因愍帝即
位避諱改為建康司馬德操與劉嗣恭書曰黃旗紫蓋
帕見東南終能成天下之功者揚州之君子乎謂斗牛
之間恒有此氣西晉亂元帝自廣陵渡江此城荒落以
府第居北幕府之名自此而立尋以江寧為琅邪國蓋
襲帝始封之名自此而立今廢江縣界又虞溥江表

傳云按晉書蘇峻初平溫嶠議遷都豫章三吳之豪請
都會稽二論紛紜未有所適揚州刺史司徒王導曰建
康古之金陵舊為帝里孫仲謀劉元德俱言王者之宅
入宜時定帝從焉其所會幽冀青兗之士秦鄭周韓之
人五方雜會各得所理即晉室之興也又輿地志云晉
故臺城即成帝時蘇峻作亂焚燒宮室都盡溫嶠已下
咸議遷都惟王導固爭不許咸和六年使卞彬營治七
年遷於新宮議者或患未築雙闕後王導出宣陽門南

欽定四庫全書

太平寰宇記
卷九十

三

望牛頭山兩峯礫東西北各四十里導曰此即天闕也
又於南浦置江寧縣至咸康七年分江東縣置沂山西
北臨大江皆晉之初興遺址也歷宋齊梁陳六代咸為
帝都按金陵記云梁都之時城中二十八萬餘戶西至
石頭城東至倪塘南至石子岡北過莊山東西南北各
四十里自侯景反元帝都於江寧冠蓋人物多南徙洎
陳高祖復王於此中外人物不迨宋齊之半隋平陳廢
為江寧縣唐武德三年於縣置揚州仍置東南道行臺

六年輔公祐反七年賊平置臺尚書省改揚州為蔣州
廢茅州來屬八年罷行臺改蔣州為揚州大都督九年
揚州移理江都改金陵縣為白下縣貞觀元年改白下
為江寧至德二年置江寧郡乾元元年於江寧置昇州
為江西節度使上元二年以謠言復為上元縣光啟三
年復為昇州天祐十四年偽吳遣部將徐溫城之為金
陵府偽唐改為江寧府因之建都皇朝開寶八年十一
月削平江表復為昇州

欽定四庫全書

太平寰宇記
卷九十

四

元領縣八 今五

江寧 上元 句容 溧水 溧陽

當塗 置太平州 蕪湖 繁昌 二縣并入太平州

四至八到

西北至東京一千二百五十里 北至西京一千七
百里 西北至長安二千里 東至潤州一百八十
里 西至江北和州烏江縣五十五里 北至江北
揚州六合縣九十九里 東南至常州安吉宜興兩

縣為界三百五十里 南至宣州三百六十里 西
南至太平州一百八十里 東北至潤州一百九十
五里 西北至江北揚州宣化鎮四百里

戶

唐開元戶在潤州籍皇朝管戶主四萬四千一百二十
客一萬七千五百七十

風俗

與潤州同

欽定四庫全書

太平寰宇記
卷九十

五

人物

陶弘景字通明丹陽秣陵人為齊王侍讀挂冠歸隱
茅山梁武即位有大事無不諮詢時人謂之山中宰
相

土產

禹貢篠簜既敷厥草惟天厥木惟喬其利金錫水居
千石魚陂陂皆與千戶侯等不窺市井坐而待收
貢雜藥 紋綾 賦 絲 絹 紗 纈

江寧縣今二十二鄉縣本秣陵之地屬鄣郡晉太康三年分淮水為建業水南為秣陵即其地晉元帝過江始置江寧縣南七十里故城存焉隋平陳廢丹陽郡并秣陵建康同夏三縣入焉開皇十年移于治城唐武德六年又移白下改為白下縣貞觀七年移還治城九年復為江寧縣至德二年置昇州縣名不改至上元二年以童謠之言改為上元縣光啟三年復為昇徙縣于鳳臺山西南一里天祐十四年五月初上元之南十九鄉割

欽定四庫全書

太平寰宇記
卷九十

六

當塗之北二鄉徙置江寧縣即上元縣為理所東自太平橋街北淮水與上元分界今凡二十二鄉是為江寧縣理 慈姥山括地志云山積石臨江岸壁峻絕山上出籐竹堪為簫管屬樂府為鼓吹山今並芊茸頭細不任又輿地志云山南有慈姥神廟焉 三山在縣西南十七里周迴四里其山孤絕面東西絕大江按輿地志云其山積石濱于大江有三峯南北接故曰三山舊吳為津所謝元暉晚登三山還望京邑詩曰灞渚望長

安河陽視京縣白日麗飛甍參差皆可見餘霞散成綺澄江靜如練即此也 白都山在縣西南八十里周迴五百步西南面臨大江按輿地志昔有白仲都于此山學道白日飛昇因以為名西臨大江孫峻追諸葛恪子竦于此也 吉山在縣南五十里周迴二十五里宋征虜將軍吉翰葬在此山故以為名 鳳臺山在縣北一里周迴連三井岡迤邐至死馬澗宋元嘉十六年有三鳥翔集此山狀如孔雀文彩五色音聲諧和衆鳥羣集

欽定四庫全書

太平寰宇記
卷九十

七

仍置鳳臺里起臺于山號為鳳臺山 牛頭山在縣西南四十里周迴四十七里按輿地志山有兩峯時人號為牛頭山晉氏過江將立雙闕王導出宣陽門南望牛頭山兩峯曰此即天闕是也 岩山在縣南四十五里其山岩險因名曰岩山宋孝武帝改曰龍山葬宣貴妃殷氏于龍山武帝亦葬此 梅嶺岡在縣南九里周迴六里輿地志云在國門之東晉豫章太守梅賾家于岡下故民名之 新石岡在縣南二十里有大石碣長二

大折為三段故以名岡即吳黃象書碣也 石子岡在縣南十五里周迴一十里吳志建業南有長陵名曰石子岡葬者依焉 梁山宋武帝西下梁山過烏江有雙鳳翔於蓋羣臣咸呼萬歲乃立雙闕于梁山 三井岡縣南五里汲一井則餘井俱動故名三井岡 大江按尚書禹貢岷山導江即此江也始吳臨江建國謂得天險之固及晉元帝南徙遂定都焉今從縣西二百二十里承當塗縣分蕪浦上田為界紆迴屈曲二百九十三里與和州烏江及揚州六合並分中流為界西引蜀漢南下交廣東會滄海北達淮泗自大禹之濬無不通矣 淮水北去縣一里源從宣州東南溧水縣烏剎橋西流八百五十里輿地志云秦始皇巡會稽鑿斷山阜此淮即所鑿也亦名秦淮孫盛晉春秋云是秦所鑿王導食令郭璞筮即此淮也又稱未至方山有直瀆行三十許里以地形論之淮發源結屈不類人功則始皇所掘宜此瀆也丹陽記云建康有淮源出華山流入江徐爰釋

問云淮水西北貫都輿地志淮水發源于華山在丹陽湖姑孰之界西北流經建業秣陵二縣之間縈紆京邑之內至於石頭入江綿亘三百許里杜牧秦淮詩云煙籠秦水月籠沙夜泊秦淮近酒家商女不知亡國恨隔江猶唱後庭花 落馬澗在縣東南五里水下秦淮宋武陵王討元凶劭斬劭餘軍赴澗而死水為之溢因名焉 婁湖在縣東南十里灌田二十餘頃水入艦澳通秦淮輿地志云婁侯張昭故名之宋以為苑 高亭湖在縣南周迴三十餘里 葛塘湖在縣東七十里周迴七里葛公在此得仙故以為名 陽劉湖在縣東南六十里周迴三十里其湖建龍都埭在陽劉村前故名之三城湖在縣南五十里周迴四十里中有三土城故名之 板橋浦在縣南五十里周迴四十里源出觀山三十七里注大江晉伐吳其將張悌死于板橋即此處謝元暉之宣城出新林浦向板橋詩云江路西南永歸流東北驚天際識歸舟雲中辨江樹 大桑浦在縣西

十二里不溉田吳大帝時將討關公平南將軍吳範屯大桑即此處也在蔡洲通大江 烈洲在縣西南八十里周迴六十里輿地志其舊津所內有小水堪泊船商客多停以避烈風故名之王濬伐吳宿于此簡文為相時會桓元于此亦曰漂洲洲上有山山形如栗伏滔北征賦謂之烈洲 蔡洲在縣西十二里周迴五十里丹陽記云吳帝時客館在蔡洲上以舍遠使蘇峻作逆陶侃等率所統兵赴京師直指石頭次于蔡洲 張公洲在縣

欽定四庫全書

太平寰宇記
卷九十

十

四里周迴三里按梁書二年豫州刺史裴高之等舟師二萬次張公洲二年陳霸先擊破侯子監師至張公洲並此處 加子洲在縣西十三里周迴十二里按三十國春秋晉咸和二年溫嶠與陶侃起義兵伐蘇峻率師四萬直指石頭侃泊加子洲即此處夏月堪泊船冬月淺涸永昌之初其洲忽一日崩數里其形曲折作九灣行者所依 長命洲在縣西四里周迴十五里輿地志云梁武遣人放生于此洲仍置十戶在洲中掌穀粟以

飼之故呼為長命洲魏使李恕來朝帝正放生問恕曰北主頗知此乎恕對曰水國不取亦不放帝無以應之白鷺洲在大江中多聚白鷺因名之 故秣陵縣城在縣南五十里秣陵橋東北 故江寧縣城在縣南七十里輿地志晉永嘉中帝初通江南以江外無事寧靜於此因置江寧縣南門臨浦水至今呼江寧晉書云元帝出師檄四方以有玉冊見臨安白玉麒麟神靈出江寧其文曰長壽萬年日有重暈皆以為中興之象唐貞

欽定四庫全書

太平寰宇記
卷九十

十

觀七年始移來此置縣上元元年又改為上元縣理古檀城在金華橋東晉謝安石圍棋賭得別墅乞與外甥羊曇即此也宋屬檀道濟緣以為名 上元縣二十四鄉晉江寧縣地唐貞觀七年移還舊郭即今所置縣也至九年改為江寧縣安祿山亂肅宗以金陵自古雄據之地時遭艱難不可縣統之因置昇州仍如節制實資鎮撫時人艱弊力難興造因舊縣宇以為州城祿山平後復廢州依舊為縣上元元年改為上

元縣隸潤州光啟三年復為昇州領上元一縣元治鳳臺山西南今移在偽司會府 艦澳梁武帝所開今在光宅寺東二百五十步其寺即武帝舊宅每從城歸宅儀仗舟車駢載溢路開以藏船其澳兩岸隈曲一十有一砌石為之至今不毀其水源出自婁湖下達秦淮紆迴五里 鷄籠山在縣西北九里連龍山西接落星岡北臨元栖塘輿地志云其山狀如鷄籠以此為名晉元帝等五陵並在山之陽 蔣山在縣東北十五里周迴

欽定四庫全書

太平寰宇記
卷九十

十三

六十里面南顧東連青龍鴈門等山西臨青溪絕山南面有鍾浦水流下入秦淮北連雉亭按輿地志云蔣山古曰金陵山縣之名因此山立漢輿地圖名鍾山吳大帝時有蔣子文發神驗於此封子文為蔣侯改曰蔣山徐爰釋問云諸葛亮以為種山龍盤又庾闡揚都賦云司馬德操與劉恭嗣曰黃旗紫蓋恒見於終南能成天下之功者揚州之君子乎謂斗牛之間恒有此祥氣丹陽記云出建陽門望鍾山似出上東門望首陽山也其

山本少林木東晉時使諸州刺史罷職者栽松三十株下至郡守各有差焉自梁以前山立寺十七所即見在者一十三晉尚書謝尚齊中書侍郎周顒宋應梁阮孝緒劉孝標等並隱居此山丹陽記曰京師南北並連嶺面蔣山名堯嶷峻有異其形像龍實作揚州之鎮 吳大帝陵在縣東北蔣山八里按丹陽記蔣陵因山為名輿地志云臺當孫陵曲折之旁故曰蔣陵亭亦名孫陵亭 宋高祖陵在縣東北一十里 晉中宗陵在縣東

欽定四庫全書

太平寰宇記
卷九十

十三

一十里 宋蔣陵在縣東北蔣山下十里 土山在縣南三十里按丹陽記晉太傅謝安舊隱會稽東山因築像之無岩石此謂土山也有林木臺觀娛遊之所安就帝請朝中賢士子侄親屬會宴土山梁蕭正德各修築以為莊下有湖水按吳志大將軍孫林以兵迎景帝於半野拜於道側即此山也 方山在縣東南五十里周迴二十里高一百一十六丈山四方孤絕如印輿地志云湖孰西北有方山頂方正上有池水齊武帝於方